



Inatsisartunut ilaasortaq Aqqaluaq B. Egede, Inuit Ataqtigiit

Asasara Aqqaluaq B. Egede,

Inatsisartut suleriaasianni § 37 naapertorlugu apeqqutinnut Naalakkersuisut qujapput.

Apeqqutitit taakkualu akissutaat ataani allassimapput:

- 1. 2013-imi Inatsisartunut qinersinermiit maannakkumut Naalakkersuisoqarfinni atorfilittat soraarsinneqarsimasut tamakkerlugit qanoq aningaasartuuteqarfigineqarsimappat?**

Atorfilittat soraarsinneqarsimasut tamakkerlugit qanoq aningaasartuutigineqarsimanersut allattorsimasuutigineqanngilaq.

Taamaattorli 2013-imiit ullumikkumut Namminersorlutik Oqartussat naalakkersuisoqarfiini, pisortaqaarfiini aqutsisoqarfiinilu pisortat atorfinitsitaanerminnut atatillugu pisussaaffimminnik sumiginnaaneq pissutiginaq qinnuteqaratik soraarnerminnik nalunaarfigineqarsimasut naatsorsorneqarsimapput.

2013-imi Inatsisartunut qinersinerup kingorna 2014-imilu qinersinissap tungaanut Namminersorlutik Oqartussat pisortanut qitiusumik allattoqarfimmi atorfeqartunut atorfinitsitaanerminnut atatillugu pisussaaffimminnik sumiginnaaneq pissutiginaq qinnuteqaratik soraarnerminnik nalunaarfigineqarsimasunut kr. 4,0 mio. kruunit missaat atorineqarsimapput.

- 2. 2013-imiit maannakkumut atorfilittat soraarsinneqarsimasut qanoq amerlatigippat?**

2013-imi Inatsisartunut qinersinerup kingorna 2014-imilu qinersinissap tungaanut qitiusumik allattoqarfimmi pisortat pingasut atorfinitsitaanerminnut atatillugu pisussaaffimminnik sumiginnaaneq pissutiginaq qinnuteqaratik soraarnerminnik nalunaarfigineqarsimasut.

- 3. Soraarsitsinerit tunngavissaqanngitsumik soraarsitsinertut nalilernerqarsimasut qassiuppat?**

Apeqqummut 2-mut akissut takuuk.

19-03-2015
Suliap nr. 2015-110239
All. nr. 1905298

P. O. Box 1037
3900 Nuuk
Oqarasuaat +299 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

4. Inatsisartunut qinersineq 2014-imiit maannamut atorfilittat soraarsinneqarsimasut qassiuppat? Aamma qanoq aningaasartuuteqarfiuppat?

2014-imi Inatsisartunut qinersereernerup kingorna pisortat marluk atorfinitsitaanerminnut atatillugu pisussaaffimminnik sumiginnaaneq pissutiginnagu qinnuteqaratik soraarnerminnik nalunaarfigineqarsimasut.

Namminersorlutik Oqartussat qitiusumik pisortanut marlunnut atorfinitsitaanerminnut atatillugu pisussaaffimminnik sumiginnaanertik pissutiginnagu qinnuteqaratik soraarnerminnik nalunaarfigineqarsimasunut aningaasartuutaat 3,6 mio. kruunit missaanniipput.

Inussiarnersumik inuulluaqqusillunga
Med venlig hilsen



Anda Uldum